



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳԼԽԱՎՈՐ ԴԱՏԱԽԱՁ

ՀՐԱՄԱՆ № 79

«30» 09 2022թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԼԽԱՎՈՐ ԴԱՏԱԽԱՁԻ 2019 ԹՎԱԿԱՆԻ  
ՍԵՊՏԵՄԲԵՐԻ 25-Ի N 44 ՀՐԱՄԱՆՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Հիմք ընդունելով Հայաստանի Հանրապետության գլխավոր դատախազի 2019 թվականի սեպտեմբերի 24-ի «Հայաստանի Հանրապետության դատախազության կանոնադրությունը հաստատելու և Հայաստանի Հանրապետության գլխավոր դատախազի 2007 թվականի հունիսի 29-ի N 43 հրամանն ուժը կորցրած ճանաչելու մասին» N 39 հրամանը, Հայաստանի Հանրապետության գլխավոր դատախազի տեղակալ Հայկ Ասլանյանին զբաղեցրած պաշտոնից ազատելու մասին Հայաստանի Հանրապետության գլխավոր դատախազի՝ 2022թ. սեպտեմբերի 27-ի N 346-Ա հրամանը, Արթուր Պողոսյանին Հայաստանի Հանրապետության գլխավոր դատախազի տեղակալ նշանակելու մասին Հայաստանի Հանրապետության գլխավոր դատախազի՝ 2022թ. սեպտեմբերի 30-ի N 355-Ա հրամանը, ելնելով Հայաստանի Հանրապետության գլխավոր դատախազի և նրա տեղակալների միջև աշխատանքի հավասարաչափ բաժանում և ծանրաբեռնվածություն ապահովելու անհրաժեշտությունից, ղեկավարվելով «Դատախազության մասին» Հայաստանի Հանրապետության օրենքի 9-րդ հոդվածի 1-ին մասով, 2-րդ մասի 2-րդ և 7-րդ կետերով, 30-րդ հոդվածի 3-րդ մասով՝

Հ ր ա մ ա յ ու մ ե մ՝

1. Հայաստանի Հանրապետության գլխավոր դատախազի՝ «Հայաստանի Հանրապետության գլխավոր դատախազի, նրա տեղակալների և գլխավոր դատախազության ավագ դատախազի և դատախազների միջև աշխատանքի բաժանում կատարելու ու Հայաստանի Հանրապետության գլխավոր դատախազի 2018 թվականի ապրիլի 10-ի N 28 հրամանն ուժը կորցրած ճանաչելու մասին» 2019 թվականի սեպտեմբերի 25-ի N 44 հրամանում (այսուհետ՝ Հրաման) կատարել հետևյալ փոփոխությունները.

1) Հրամանի 1-ին կետի 1-ին ենթակետը շարադրել հետևյալ խմբագրությամբ.

« 1) Հայաստանի Հանրապետության գլխավոր դատախազ Աննա Վարդապետյանը՝

ա. իրականացնում է Հայաստանի Հանրապետության դատախազության գործունեության ընդհանուր ղեկավարումը և վերահսկողությունը,

բ. սահմանում է Հայաստանի Հանրապետության դատախազության լիազորությունների իրականացման ուղղությունները,



գ. համակարգում և վերահսկում է Հայաստանի Հանրապետության գլխավոր դատախազության կազմակերպական-վերահսկողական և իրավական ապահովման վարչության աշխատանքները,

դ. համակարգում և վերահսկում է Հայաստանի Հանրապետության գլխավոր դատախազության պետական շահերի պաշտպանության վարչության աշխատանքները, ինչպես նաև պետական շահերի պաշտպանության ոլորտը,

ե. ղեկավարում և վերահսկում է Հայաստանի Հանրապետության գլխավոր դատախազության ավագ դատախազների և դատախազների, Հայաստանի Հանրապետության գլխավոր դատախազի խորհրդականների (այդ թվում՝ զանգվածային լրատվության միջոցների հետ համագործակցության հարցերով խորհրդականի) և օգնականների աշխատանքները,

զ. ստեղծում է գլխավոր դատախազին առընթեր խորհուրդներ, աշխատանքային խմբեր, հանձնաժողովներ, սահմանում դրանց գործունեության կարգը,

է. կառավարում է Հայաստանի Հանրապետության դատախազության գլխավոր քարտուղարի, նրա տեղակալների և Հայաստանի Հանրապետության դատախազության աջակցող մասնագիտական կառուցվածքային ստորաբաժանումների աշխատանքները:»:

2) Հրամանի 1-ին կետի 3-րդ ենթակետը շարադրել հետևյալ խմբագրությամբ.

**« 3) Հայաստանի Հանրապետության գլխավոր դատախազի տեղակալ Արթուր Պողոսյանը՝**

ա. համակարգում և վերահսկում է Հայաստանի Հանրապետության գլխավոր դատախազության Հայաստանի Հանրապետության հակակոռուպցիոն կոմիտեում մինչդատական վարույթի օրինականության նկատմամբ հսկողության վարչության աշխատանքները,

բ. համակարգում և վերահսկում է Հայաստանի Հանրապետության գլխավոր դատախազության Հայաստանի Հանրապետության ազգային անվտանգության ծառայությունում մինչդատական վարույթի օրինականության նկատմամբ հսկողության վարչության աշխատանքները,

գ. համակարգում և վերահսկում է Հայաստանի Հանրապետության գլխավոր դատախազության պետական իշխանության դեմ ուղղված հանցագործությունների գործերով վարչության աշխատանքները, ինչպես նաև այս ոլորտում Հայաստանի Հանրապետության դատախազության կանոնադրության 11-րդ կետով, 12-րդ կետի 1-ին և 2-րդ ենթակետերով նախատեսված գործառույթների իրականացումը,

դ. համակարգում և վերահսկում է Հայաստանի Հանրապետության գլխավոր դատախազության տնտեսական գործունեության դեմ ուղղված հանցագործությունների գործերով վարչության աշխատանքները, ինչպես նաև այս ոլորտում Հայաստանի Հանրապետության դատախազության կանոնադրության 11-րդ կետով, 12-րդ կետի 1-ին և 2-րդ ենթակետերով նախատեսված գործառույթների իրականացումը,

ե. համակարգում և վերահսկում է Հայաստանի Հանրապետության գլխավոր դատախազության բնակչության առողջության դեմ ուղղված հանցագործությունների գործերով վարչության աշխատանքները, ինչպես նաև այս ոլորտում Հայաստանի Հանրապետության դատախազության կանոնադրության 11-րդ կետով, 12-րդ կետի 1-ին և 2-րդ ենթակետերով նախատեսված գործառույթների իրականացումը:»:

3) Հրամանի 1-ին կետի 4-րդ ենթակետը շարադրել հետևյալ խմբագրությամբ.

**«4) Հայաստանի Հանրապետության գլխավոր դատախազի տեղակալ Գևորգ Բաղդասարյանը՝**

ա. համակարգում և վերահսկում է Հայաստանի Հանրապետության գլխավոր դատախազության մարդու դեմ ուղղված հանցագործությունների գործերով վարչության



աշխատանքները, ինչպես նաև այս ոլորտում Հայաստանի Հանրապետության դատախազության կանոնադրության 11-րդ կետով, 12-րդ կետի 1-ին և 2-րդ ենթակետերով նախատեսված գործառույթների իրականացումը՝ բացառությամբ Հայաստանի Հանրապետության հակակոռուպցիոն կոմիտեում և ազգային անվտանգության ծառայությունում քննվող գործերի,

բ. համակարգում և վերահսկում է Հայաստանի Հանրապետության գլխավոր դատախազության սեփականության դեմ ուղղված հանցագործությունների գործերով վարչության աշխատանքները, ինչպես նաև այս ոլորտում Հայաստանի Հանրապետության դատախազության կանոնադրության 11-րդ կետով, 12-րդ կետի 1-ին և 2-րդ ենթակետերով նախատեսված գործառույթների իրականացումը՝ բացառությամբ Հայաստանի Հանրապետության հակակոռուպցիոն կոմիտեում և ազգային անվտանգության ծառայությունում քննվող գործերի,

գ. համակարգում և վերահսկում է Հայաստանի Հանրապետության գլխավոր դատախազության հասարակական անվտանգության դեմ ուղղված հանցագործությունների գործերով վարչության աշխատանքները, ինչպես նաև այս ոլորտում Հայաստանի Հանրապետության դատախազության կանոնադրության 11-րդ կետով, 12-րդ կետի 1-ին և 2-րդ ենթակետերով նախատեսված գործառույթների իրականացումը՝ բացառությամբ Հայաստանի Հանրապետության հակակոռուպցիոն կոմիտեում և ազգային անվտանգության ծառայությունում քննվող գործերի,

դ. համակարգում և վերահսկում է Հայաստանի Հանրապետության գլխավոր դատախազության միջազգային-իրավական համագործակցության վարչության աշխատանքները, ինչպես նաև միջազգային-իրավական համագործակցության ոլորտը,

ե. համակարգում և վերահսկում է Հայաստանի Հանրապետության գլխավոր դատախազության պատիժների և հարկադրանքի այլ միջոցների կիրառման օրինականության նկատմամբ հսկողության վարչության աշխատանքները, ինչպես նաև պատիժների և հարկադրանքի այլ միջոցների կիրառման օրինականության նկատմամբ հսկողության ոլորտը,

զ. ղեկավարում և համակարգում է Հայաստանի Հանրապետության դատախազության «Օրինականություն» գիտագործնական և ուսումնամեթոդական հանդեսի խմբագրական խորհրդի ու գլխավոր խմբագրի աշխատանքները:


է. համակարգում է Արդարադատության ակադեմիայի՝ Հայաստանի Հանրապետության դատախազությանն առնչվող աշխատանքները,

ը. համակարգում է քաղաքացիական պաշտպանության ոլորտին վերաբերող հարցերը:»:

2. Սույն հրամանն ուժի մեջ է մտնում օրենքով սահմանված կարգով հրապարակման հաջորդող օրվանից:

3. Սույն հրամանի կատարման վերահսկողությունն իրականացնում է Հայաստանի Հանրապետության գլխավոր դատախազը:

4. Սույն հրամանի պատճենն ուղարկել Հայաստանի Հանրապետության գլխավոր դատախազի տեղակալներին, Հայաստանի Հանրապետության գլխավոր դատախազության վարչությունների պետերին, ավագ դատախազին և դատախազներին, Հայաստանի Հանրապետության զինվորական կենտրոնական դատախազության բաժինների պետերին և ավագ դատախազներին, մարզերի, Երևան քաղաքի, Երևան քաղաքի վարչական շրջանների և կայազորների զինվորական դատախազներին, Հայաստանի Հանրապետության դատախազության գլխավոր քարտուղարին, Հայաստանի Հանրապետության գլխավոր դատախազի խորհրդականներին ու օգնականներին:



Ա. ՎԱՐԴԱՊԵՏՅԱՆ